

## **MIŠLJENJE**

**Po zahtjevu privrednog subjekta Tvornica cementa Kakanj d.d. Kakanj, o obavezi  
podnošenja prijave koncentracije**

**Sarajevo  
maj, 2018. godine**

Broj: 01-26-7-005-2/18  
Sarajevo, 17.05.2018. godine

Na osnovu člana 25. stav (1) tačka f) Zakona o konkurenciji ("Službeni glasnik BiH" 48/05, 76/07 i 80/09), a po Zahtjevu privrednog subjekta „Tvornica cementa Kakanj“ d.d. Kakanj, ul. Selima ef. Merdanovića br. 146 Kakanj, zaprimljenog od strane Konkurencijskog vijeća dana 20.04.2018. godine, pod brojem 01-26-7-005-1/18, Konkurencijsko vijeće, na 28. (dvadesetosmoj) sjednici održanoj dana 17.05. 2018. godine, je donijelo

## MIŠLJENJE

Privredni subjekt „Tvornica cementa Kakanj“ d.d. Kakanj, ul. Selima ef. Merdanovića br.146 Kakanj, Bosna i Hercegovina (u daljem tekstu: Podnositelj zahtjeva ili TC Kakanj), podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev) o obavezi podnošenja prijave koncentracije, zaprimljen dana 20.04.2018. godine pod brojem 01-26-7-005-1/18.

Podnositelj zahtjeva u svom Zahtjevu navodi:

- da je privredni subjekt CEEM Investment Fund B.V. (u daljem tekstu: CEMM) osnovan po zakonima Holandije sa sjedištem u Pettelaapark 30 NL-5216 PD s-Hertogenbosch vlasnik (\*)<sup>1</sup> redovnih dionica TC Kakanj, što predstavlja (\*) % udjela u ukupnom broju glasova
- da je privredni subjekt Duna-Drava Cement Kft. (u daljem tekstu: DDC), osnovan po zakonima Mađarske sa registrovanim sjedištem na adresi 2600 Vac, Kohidpart dulo 2, Mađarska, vlasnik (\*) udjela u privrednom subjektu CEEM
- da je privredni subjekt Heidelbergcement Central Europe East Holding B.V. (u daljem tekstu: HC) osnovan po zakonima Holandije i registrovan u trgovinskom registru privredne komore pod brojem 16072812, sa sjedištem u Pettelaapark 30 NL-5216 PD s-Hertogenbosch, Holandija, vlasnik (\*) udjela u DDC
- da je privredni subjekt Schwenk Beteiligungsgesellschaft mbH (u daljem tekstu: Schvenk), osnovan po zakonima Savezne Republike Njemačke, registrovan u Općinskom sudu u Minchenu pod brojem HRB 133482 sa sjedištem u Seeshaupt, ul. Magnetsried 16, vlasnik (\*) udjela u DDC
- da privredni subjekti HC i Schvenk posredno kontrolišu privredni subjekt TC Kakanj preko povezanih društava CEEM i DDC

---

<sup>1</sup> (\*) Podaci predstavljaju poslovnu tajnu u skladu sa članom 38. Zakona o konkurenciji

Kako se dalje navodi u Zahtjevu privredni subjekti HC i Schvenk namjeravaju od društva CEEM otkupiti sve dionice koje to društvo ima u TC Kakanj, putem dvije blokovske transakcije između privrednog subjekta CEEM, kao prodavca i privrednih subjekata HC i Schvenk, kao kupaca. Na taj način bi privredni subjekti HC i Schvenk stekli po (\*)<sup>2</sup> redovnih dionica TC Kakanj, odnosno po (\*) % udjela u kapitalu.

Također, privredni subjekti HC i Schvenk bi ostali ostali vlasnici po (\*) udjela u privrednom subjektu DDC koji bi postao sestrinsko društvo privrednom subjektu TC Kakanj, dok bi privredni subjekt CEEM vjerovatno bio likvidiran.

U skladu sa navedenim, Podnosilac zahtjeva traži mišljenje da li prijenos vlasničkih udjela privrednog subjekta TC Kakanj sa privrednog subjekta CEEM na privredne subjekte HC i Schvenk podliježe obavezi prijave koncentracije, u smislu odredbi Zakona o konkurenciji.

Konkurencijsko vijeće u vezi obaveze prijave koncentracije navodi:

- Član 12. stav (1) Zakona o konkurenciji utvrđuje da se koncentracijom u smislu ovog Zakona smatra:
  - a) spajanje ili pripajanje nezavisnih privrednih subjekata ili dijelova privrednih subjekata.
  - b) sticanje kontrole ili dominantnog uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
    - 1. sticanjem kupovinom većine dionica ili udjela osnovnog kapitala; ili
    - 2. sticanje većine prava glasa; ili
    - 3. na drugi način, u skladu sa odredbama zakona koji regulišu osnivanje privrednih subjekata i njihovo upravljanje;
  - c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

U skladu sa naprijed navedenim, smatra se da privredni subjekt TC Kakanj nije nezavisni privredni subjekt nego povezano društvo privrednih subjekata HC i Schvenk, te se na isto ne primjenjuju odredbe člana 12. Zakona o konkurenciji.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

**Predsjednik  
Ivo Jerkić**

---

<sup>2</sup> (\*) Podaci predstavljaju poslovnu tajnu u skladu sa članom 38. Zakona o konkurenciji

**Dostavljeno:**

- Zajednička advokatska kancelarija, Bojana Tkalčić-Đulić, Olodar Prebanić i Arela Jusufbašić-Goloman, Maršala Tita 38/II, Sarajevo  
- a/a